

## TESLIĆ: PREDSTAVLJENI PROJEKTI PODRŽANI OD FONDACIJE ZA SOCIJALNO UKLJUČIVANJE U BIH

<http://www.regija.ba/contents/937>

**PIŠE: Arnes Grbešić**

**Okolo 400 dječaka i djevojčica prošlo je kroz školu sporta koja je tokom prošle godine organizovana u povratničkim sredinama 10 opština u RS-u. Projekat „Sport kao instrument socijalne inkluzije“ realizovalo je udruženje građana „Univerzalna škola sporta Jelah – Tešanj“ uz podršku Fondacije za socijalno uključivanje u BiH i Federalnog ministarstva raseljenih osoba i izbjeglica.**  
**Animiranje mladih u ruralnim sredinama**

„Ušli smo praktično u neke povratničke sredine gdje je evidentan nedostatak sportskih aktivnosti. Cilj je bio približiti se ruralnim područjima gdje su djeca željna sporta, druženja, socijaliziranja“, kaže Irfan Garić iz Univerzalne škole sporta Jelah – Tešanj.

Fondacija za socijalno uključivanje (FSU) u BiH podržala je do sada 39 projekata, čiji su korisnici pripadnici socijalno marginalizovanih grupa među kojima su i povratnici.

„Trebalo uraditi nešto više za te ljude. Nije dovoljno da se nekome napravi kuća i vjerovatno ćemo ići svi u tom pravcu da se tim ljudima obezbijedi zaposlenje“, ističe Ranka Ninković – Papić, direktorica FSU u BiH.

### **Projekti od egzistencijalnog značaja**

Neki pozitivni primjeri iz povratničkih kao i drugih pretežno ruralnih sredina predstavljeni su na konferenciji koja je održana u Tesliću. Povratnici u selo Tarevci u opštini Modriča formirali su poslovni inkubator.

„Trenutno imamo 9 preduzeća sa čak 200 zaposlenih. Sada se krećemo u jednom pravcu da što više podržimo razvoj poljoprivrede“, objašnjava Enver Sarvan iz Nezavisnog biroa za razvoj Modriča.

Preko Udruge poduzetnika i poslodavaca Žepče 40 domaćinstava pokrenulo je proizvodnju jagodičastog voća u 10 ruralnih mjesnih zajednica na području opštine Zenica.

„To su višegodišnji zasadi i ta će domaćinstva u narednih 5-6 godina mjesečno imati 200 do 300 KM sigurnih prihoda od svog rada“, navodi Tea Samardžić Memčić, magistrica poljoprivrede iz Udruge poduzetnika i poslodavaca Žepče.

Ovakve i slične poslove moguće je pokrenuti i u drugim dijelovima BiH. Za to je, međutim, prije svega potrebna odgovorna i za razvoj zainteresovana vlast od lokalnog do državnog nivoa